
МЕҲНАТ ҚИЛГАН-ЭЛДА АЗИЗ

Вилоят ҳокимига ташаккурномалар келмоқда

Фарғона вилояти ҳокими, Олий Мажлис сенати аъзоси Шухрат Мадаминович Ғаниев номига Риштон туманида олиб борилаётган улкан бунёдкорлик ишларидаги халқ учун қилган меҳнатлари, кўрсатган беғараз ёрдамлари эвазига аҳоли номидан ташаккурномалар кела бошлади. Қуйида улардан айримларини келтирамиз:

"Ташаккурнома

Ҳурматли Шухрат Мадаминович!

Фарғона вилояти Риштон тумани Зоҳидон қишлоғи оқсоқоллари ва ушбу қишлоқда истиқомат қилувчи фуқаролар Сизни Ўзбекистон Республикаси Мустақиллигининг 28 йиллик байрами билан муборакбод этамиз.

Сизнинг Зоҳидон қишлоғи инфратузилмасини ривожлантиришдаги беминнат ва беғараз кўрсатган ёрдамларингизни юксак баҳолаймиз. Фарғона канали кўприги ҳамда Зоҳидон қишлоғи маркази кўчалари жорий таъмирланди, намунавий лойиҳа асосида кўчаларимиз янада чирой очиб, ободонлаштирилди.

Сиздек саховатпеша, олийҳиммат, эл-юрт манфаатларини ўз манфаатидан устун қўювчи замондошларимиз бор экан, бу элдан ҳеч қачон оқибат, хайр-барака кўтарилмайди. Сизга сиҳат-саломатлик, хонадонингизга файзу барака, оилавий бахт, эл-юрт равнақи ва фаровонлиги йўлида қилаётган ишларингизда омадлар тилаб, Зоҳидон қишлоғи фуқаролари номидан ташаккурнома изҳор этамиз.

Узун кўча МФЙ раиси: Р. Раззоқов."

"Фарғона вилояти ҳокими Ш. М. Ғаниевга Риштон шаҳар" Гумбаз" МФЙ, Рошидоний кўчаси фуқароларидан эсдалик учун".

2019-08-22 15:49:50